

李賀歌詩
編四卷

四部叢刊初編集部

上海商務印書館縮
印常熟瞿氏藏金本

李賀歌詩集序

京兆杜牧牧之

大和五年十月中半夜時舍外有疾呼傳緘書者牧曰必有異亟取火來及發之果集賢學士沈公子明書一通曰我亡友李賀元和中義愛甚厚日多相與起居飲會賀且死常授我平生所著歌詩離爲四編凡二百二十三首數年來東西南北良爲已失去今夕醉解不復得寐即閱理篋帙忽得賀詩前所授我者思理往事凡與賀話言嬉遊一處所一物候一日一夕一觴一飯顯顯然無有忘棄者不覺出涕賀復無家室子弟得以給養卽問常恨想其人味其言止矣子厚於我與我爲賀集序盡遺其所來由亦少解我意牧其夕不果以書道不可明日就公謝且曰世謂賀才絕出于前讓居數日牧深惟公曰公於詩爲深妙奇博且復盡知賀之得失短長今實敘賀不諱必不能當公意如何復就謝極道所不敢敘賀公曰子固若是是當慢我牧因不敢復辭勉爲賀序然其甚慙唐皇諸孫賀字長吉元和中韓吏部亦頗道其歌詩雲煙

綿聯不足爲其態也水之迢迢不足爲其情也春之盎盎不足爲其和也秋之明潔不足爲其格也風櫓陣馬不足爲其勇也瓦棺篆鼎不足爲其古也時花美女不足爲其色也荒園陟殿便芥丘隴不足爲其恨怨悲愁也鯨呿鼉擲牛鬼蛇神不足爲其虛荒誕幻也蓋騷之苗裔理雖不及辭或過之騷有憾怨刺愆言及君臣理亂時有以激發人意乃賀所爲無得有是賀復探尋前事所以深歎恨古今未嘗經道者如金銅仙人辭漢歌補梁庾肩吾宮體謠求取情狀離絕遠去筆墨畦逕間亦殊不能知之賀生二十七年死矣世皆曰使賀且未死少加以理奴僕命騷可也賀死後凡十有某年京兆杜牧爲其序

歌詩目錄編第一

凡五十九首

龍西李賀長吉

李憑箏篋引

殘絲曲

還自會稽歌

寄權璩楊敬之

示弟

竹

同沈下賢賦得御溝水

始為奉禮憶昌谷山居

七夕

過華清宮

送沈亞之

詠懷

追和柳惲

春坊正字劍子歌

貴公子夜蘭曲

鴈門太守行

大堤曲

蜀國絃

蘇小小歌

夢天

唐兒歌

綠章封事

十二月樂辭

十四首

天上謠

浩歌

秋來

帝子歌

秦王飲酒

洛妹真珠

李夫人

走馬引

相妃

三月過行宮

南園

歌詩目錄編第二

凡五十四首

金銅仙人辭漢歌

古愁悠行

黃頭郎

馬詩

申胡子臧栗歌

老夫採玉歌

傷心行

湖中曲

黃家洞

屏風曲

南山田中行

貴主征行樂

贈時張初幼謫幕

羅敷文與葛篇

仁和里雜叙皇甫湜

官娃歌

堂堂

送小季之廬山

致酒行

長歌續短歌

公莫舞歌

昌谷北園新笋

惱公

感諷

歌詩目錄編第三

凡五十七首

追何謝銅雀妓

送秦光祿北征

酬谷

畫角東城

朝謝秀才

昌谷讀書示已童

已童答

代崔家送客

出城

莫種樹

特發

畫江潭記四首

張大宅病曲

難忘曲

賈公閭貴婿曲

夜飲長眠曲

王濬基下作

客遊

崇義里滯雨

馮小憐

贈陳商

釣魚

奉和二兄罷使

荅贈

題趙生壁

感春

仙人

河陽歌

花遊曲

春畫

安樂宮

胡蝶飛

梁公子

牡丹種曲

後園鑿井

開愁歌

秦宮詩

古鄆城童子謠

楊生青花石硯歌

房中思

石城晚

苦畫短

章和二年中

春歸昌谷

昌谷詩

銅駝悲

自昌谷到洛後

曉入太行

秋涼詩

歌詩目錄編第四

凡五十首

艾如張

上雲樂

巫山高

摩多樓子

猛常行

日出行

苦篁調羹引

排舞歌辭

夜坐吟

篋篋引

平城下

江南弄

榮華樂

相勸酒

瑤華樂

北中寒

梁臺古愁

公無出門

神弦別曲

綠水辭

沙路曲

上之回

高軒過

月宮夫人

蘭香神女廟

送韋仁實

洛陽別皇甫湜

溪晚涼

官不來

長平箭頭歌

江樓曲

塞下曲

梁絲上春機

五粒小松歌

塘上行

呂將軍歌

休洗紅

神絃曲

野歌

神泣

將進酒

美人梳頭歌

月漉漉篇

京城

官街鼓

許公子鄭姬歌

新夏歌

題歸夢

經沙苑

出城別張艾新酬李漢



歌詩編第一

龍西李 賀 長吉

李憑箏篋引

吳絲蜀桐張高秋空白凝雲頰不流江娥啼竹素女
愁李憑中國彈箏在夜昆山玉碎鳳凰叫芙蓉泣露香
蘭笑十二門前融冷光二十三絲動紫篋女媧鍊石
補天處石破天驚逗秋雨夢入神山教神姬老魚跳
波瘦蛟舞吳質不眠倚桂樹露脚斜飛濕寒兔

殘絲曲

垂楊葉老鶯啼兒殘絲欲斷黃蜂歸綠驢少年金釵
客縹粉壺中沉琥珀花臺欲暮春辭去落花起作迴
風舞榆莢相催不知數沈郎青錢夾城路

還自會稽歌

并序

庾肩吾於梁時嘗作宮體謠引以應和皇子及國世
淪敗肩吾先潛難會稽後始還家僕意其必有遺文
今無得焉故作作還自會稽歌以補其悲

野粉椒壁黃濕瑩滿梁殿臺城應教人秋衾夢銅鞮
吳霜點歸驢身與塘蒲晚脉脉辭金魚羈臣守屯戍
出城寄權璩楊敬之

草暖雲昏萬里春宮花拂面送行人自言漢劍當飛

去何事還車載病身

示弟

別弟三年後還家十日餘醪醕今夕酒細帙去時書
病骨獨能在人間底事無何須問牛馬拋擲任泉廬

竹

入水文光動抽空綠影春露華生筍遲苦色拂霜根
纖可取香汗裁堪釣錦鱗三梁曾入用一節奉王孫
同沈駒馬賦得御溝水

入苑白泱泱宮人正靨黃遠堤龍骨冷拂岸鴨頭香
別館驚殘夢停盃泛小觴幸因流浪處暫得見何郎

始爲奉禮憶昌谷山居

掃斷馬蹄痕街迴自開門長鎗江米熟小樹棗花春
向壁懸如意當簾閱角巾犬書曾去洛鶴病梅遊秦
土甑封茶葉山杯鐫竹根不知船上月誰棹滿溪雲

七夕

別浦今朝暗羅帷午夜愁鵲辭穿銀月花入曝衣樓
天上分金鏡人間望玉鉤錢塘蘇小小更值一年秋

過華清宮

春月夜啼鴉宮簾隔御花雲生朱絡暗石斷紫錢斜
玉腕盛殘露銀燈照舊紗蜀王無近信泉上有芹芽

送沈亞之歌并序

文人沈亞之元和七年以書不中第返歸于吳江悲其行無錢酒以勞又感沈之勤請乃歌一觥以勞之吳興才人怨春風桃花滿陌千里紅紫絲竹斷驄馬小家住錢塘東復東白藤交穿織書笈短策齊裁如梵夾雄光寶璫獻春卿煙底驚波乘一葉春卿拾村白日下擲置黃金解龍馬携笈歸江重入門勞勞誰是憐君者吾聞壯夫重心骨古人三走無摧挫請君待旦事長鞭他日還轅及秋律

詠懷二首

長卿懷茂陵綠草垂石井彈琴看文君春風吹曙影梁王與武帝棄之如斷梗唯留一簡書金泥太山頂日夕著書罷驚霜落素絲鏡中聊自笑詎是南山期頭上無幅巾苦藥已染衣不見清溪魚飲水得自宜

追和柳惲

汀洲白蘋草柳惲乘馬歸江頭植樹香岸上胡蝶飛酒盃若葉露玉軫蜀桐虛朱棹通水脉沙暖一雙魚

春坊正字劍子歌

先輩匣中三尺水曾入吳潭斬龍子隙月斜明刻露寒練帶平鋪吹不起蛟胎老皮蕨黎刺鸛鷀淬花白

鵬尾直是荆軻一片心莫教照見春坊字按絲團金懸嚴毅神光欲截藍田玉提出西方白帝驚教鬼母秋郊哭

貴公子夜闌曲

裏裏沉水煙鳥啼夜闌景曲沼芙蓉波腰圍白玉冷

鴈門太守行

黑雲壓城城欲摧甲光向月金鱗開角聲滿天秋色裏塞上燕脂凝夜紫半卷紅旗臨易水霜重鼓寒聲不起報君黃金臺上意提携玉龍爲君死

大堤曲

妾家住橫塘紅紗滿桂香青雲教館頭上睡明月與作耳邊瑤蓬風起江畔春大堤上留北人郎食鯉魚尾妾食猩猩脣莫指襄陽道綠浦歸帆少今日葛浦花明朝楓樹老

蜀國絃

楓香晚花靜錦水南山影驚石墜猿哀竹雲愁半嶺涼月生秋浦玉沙鱗鱗光誰家紅淚客不忍過瞿塘

蘇小歌

幽蘭露如啼眼無物結同心煙花不堪剪草如茵松如蓋風爲裳水爲珮油壁車久相待冷翠燭勞光彩

西陵下風雨晦

夢天

老兔寒蟾泣天色，雲樓半開壁斜白。
玉輪輒露濕團光，鸞珮相逢桂香陌。
黃塵清水三山下，更變千年如走馬。
遙望齊州九點煙，一泓海水杯中瀉。

唐歌兒杜鰲公之子

頭玉硤硤眉刷翠，杜郎生得真男子。
骨重神寒天廟器，一雙瞳人剪秋水。
竹馬梢梢搖綠尾，銀鸞睨睨光躋半臂。
東家嬌娘求對值，濃笑盡空作唐字。
眼大心雄知所以，莫忘作歌人姓李。

綠章封事爲吳道士夜醮作

青霓扣額呼宮神，鴻龍玉狗開天門。
石榴花發滿溪津，漢女洗花染白雲。
綠章封事諸元父，六街馬蹄浩無主。
虛空風氣不清冷，短衣小冠作塵土。
金家香街千輪鳴，楊雄秋室無俗聲。
願勢漢戟招書鬼，休令恨骨填蒿里。

河南府試十二月樂辭并閏月

正月

上樓迎春新春歸，暗黃著柳宮漏遲。
薄薄淡霧弄野姿，寒綠幽風生短絲。
錦牀曉卧玉肌冷，露臉未開對

朝暝官街柳帶不堪折，早晚菖蒲勝綰結。

二月

飲酒採桑津，宜男草生蘭笑人。
蒲如文綉風如薰，勞勞胡驚怨酣春。
薇帳逗烟生綠塵，金翅峨嵋愁暮雲。
省昴起舞真珠裙，津頭送別唱流水。
酒客背寒南山死。

三月

東方風來滿眼春，花城柳暗愁幾人。
複宮深殿竹風起，新翠舞衫淨如水。
水光風轉蕙百餘里，暖霧驅雲撲天地。
軍裝宮妓掃娥眉，淺搖錦旗夾城暖。
曲水颺香去不歸，梨花落盡成秋苑。

四月

曉涼暮涼樹如蓋，千山濃綠生雲外。
依稀香雨青氛氤，膩葉蟠花照曲門。
金塘開水搖碧漪，老景沉重無驚飛。
墮紅殘萼暗參差。

五月

雕玉押簾上輕轂，籠虛闥井汲鉉華水。
扇織鴛鴦文迴雪，舞涼殿甘露洗空綠。
羅袖從徊翔香汗霑，寶栗

六月

森生羅伐相竹帔，拂疎霜葦秋玉炎。
炎紅鏡東方開暈如車輪上，徘徊耿耿赤帝騎龍來。

七月

星依雲渚冷露滴盤中
圓好花生木末衰
意愁空園
夜天如玉砌池葉極青
錢僅厭舞衫薄
稍知花單寒
曉風何拂拂北斗光闌干

八月

蠅妾怨長夜
獨客夢歸家
傍簷蟲蠋絲向壁
燈垂花
簷外月光吐
簾中樹影斜
悠悠離露姿
點綴池中荷

九月

離宮散夢天似水
竹黃池冷芙蓉死
月綴金鋪光脉
脉涼苑虛庭空
澹白霜花飛
飛風草草翠錦
爛班滿
層道離人羅
唱曉
曉曉鴉啼金井下
疎桐

十月

玉壺銀箭稍難傾
紅花夜笑疑幽明
碎霜斜舞上羅
幕
燭龍兩行照
飛閣珠帷怨
卧不成眠
金鳳刺衣著
體寒長眉對月闌
臂環

十一月

宮城圖迴凍嚴光
白天碎碎墮瓊芳
撾鐘高飲千日
酒却天寒寒作君
壽御溝泉合如環
素火井溫水在
何處

十二月

日脚淡光紅灑灑
薄霜不銷桂枝下
依佛和氣解冬
嚴已就長日辭
長夜

閏月

帝重光年重時
七十二候迴環催
天官玉琯友刺飛
今歲何長來歲遲
王母移桃獻天子
羲氏和氏迂龍轡

天上謡

天河夜轉漂迴星
銀浦流雲學水聲
玉宮桂樹花未
落
仙妾採香弄珮
纓秦妃卷簾北
牕曉
曉前植桐青
鳳小
王子吹笙攜管
長吟龍耕煙種
瑶草粉霞紅綬
藕絲裙青洲步
拾蘭若春東指
義和能走馬海
壓新生石山下

浩歌

南風吹山作平地
帝遣天吳移海水
王母桃花千遍
紅
彭祖巫咸幾迴
死青毛驄馬參
差錢矯春楊柳
含
細煙爭人勸我
金屈厄神血未
凝身問誰不須
浪飲
丁都護世上英
雄本無主買絲
繡作平原君有
酒唯
澆趙州土漏催
水咽玉蟾蜍衛
娘髮薄不勝梳
看見
秋眉換深綠二
十男兒郎刺促

秋來

桐風驚心壯士苦
寒燈絡緯啼寒素
誰看青簡一編

書不遣花蟲粉空盡思牽今夜腸應直雨冷香魂弔
書客秋墳鬼唱鮑家詩恨血千年土中碧

帝子歌

洞庭明月一千里涼風鴈啼天在水九節菰蒲石上
死湘神彈琴迎帝子山頭老桂吹古香雌龍怨吟寒
水光沙浦走魚白石郎閑取真珠擲龍堂

秦王飲酒

秦王騎虎遊八極劍光照空天自碧羲和敲日玻璃
聲劫灰飛盡古今平龍頭瀟酒邀酒星金樽琵琶夜
振振洞庭雨脚來吹笙酒酣喝月使倒行銀雲拂拂
瑤殿明宮門掌事報一更花樓玉鳳聲嬌擗海綃紅
文香淺清黃鸝跳舞千年醺仙人燭樹蠟煙輕清琴
醉眼淚泓泓

洛妹真珠

真珠小娘下青廓洛苑香風飛綽綽寒蟾斜釵玉鶯
光高樓唱月敲懸璫蘭風桂露洒幽翠紅絃裏雲咽
深思花袍白馬不歸來濃娥疊柳香唇醉金蛾屏風
蜀山夢驚裙鳳帶行煙重八認龍見臉羞移日絲繁
散曉羅洞市南曲陌無秋涼楚腰衛驢四時芳玉唯
宿窸排空光牽雲曳雪留陸郎

李夫人

紫皇宮殿重重開夫人飛入瓊瑤臺綠香綃帳何時
歇青雲無光宮水咽翩聯桂花墜秋月孤鸞驚啼商
絲發紅壁闌珊懸珮珞歌臺小妓遙相望玉蟾滴水
難人唱露華蘭葉參差光

走馬引

我有解劍劍玉鋒堪截雲裏陽走馬客意氣自生春
朝嫌劍光淨暮嫌劍花冷能持劍向人不解持照身

湘妃

筠竹千年老不死長伴秦娥蓋湘水蠻娘吟弄滿寒
空九山靜綠浹花紅離鸞別鳳煙梧中巫雲蜀雨
遙相通幽愁秋氣上青楓涼夜波聞吟古龍

三月過行宮

渠水紅繁擁御牆風嬌小葉學蛾粧垂簾幾度青春
老堪鏤千年白日長

南園一十三首

花枝草蔓眼中開小白長紅越女腮可憐日暮嬌香
落嫁與春風不用媒
宮北田塍曉氣酣黃桑餘露宰官廉長腰健婦偷攀
折將餽吳王八兩蠶

竹裏綠絲桃網車青蟬獨渠日光斜桃膠迎夏香琥珀自課越傭能種瓜

三十未有二十餘白日長飢小甲蔬橋頭長老相哀念因遺我韜一卷書

男兒何不帶橫刀收取關山五十州請君暫上凌煙閣若箇書生萬戶侯

尋章摘句老彫蟲曉月當簾挂玉弓不見年年遼海上文章何處哭秋風

長御窄落悲空舍曼倩懷諧取自容見買若耶溪水劍明朝歸去事猿公

春水初生乳鶯飛黃蜂小尾撲花歸牕含遠色通書幌魚擁香鉤近石磯

泉沙吏卧鴛鴦暖曲岸迴篙舫艇遲瀉酒木蘭椒葉蓋病容扶起種菱絲

邊壤今朝憶蔡邕無心裁曲卧春風舍南有竹堪書字老去溪頭作釣翁

長樂谷口倚嵇家白晝千峯老翠華自履藤鞋收石壺手牽苔絮長蕩花

松溪黑水新龍卵桂洞生硝舊馬牙誰爲虞卿栽道被輕綃一疋淙朝霞

小樹開朝迎長茸濕夜煙柳花驚雪浦交雨漲溪田古剎疎鐘度遙嵐破月懸沙頭敲石火燒竹照漁舡歌詩編第一

歌詩編第二

龍西李 賀 長吉

金銅仙人辭漢歌并序

魏明帝青龍九年八月詔宮官牽車西取漢孝武捧
露盤仙人欲立置前殿宮官既圻盤仙人臨載乃潛
然淚下唐諸王孫李長吉遂作金銅仙人辭漢歌
茂陵劉郎秋風客夜聞馬嘶曉無跡畫欄桂樹懸秋
香三十六宮土花碧魏官牽車指十里東關酸風射
眸子空將漢月出宮門憶君清淚如鉛水衰蘭送客
咸陽道天若有情天亦老携盤獨出月荒涼渭城已
遠波聲小

古悠悠行

白景歸西山碧華上迢迢今古何處盡千歲隨風飄
海沙變成石魚沫吹秦橋空光遠流浪銅柱從年消

黃頭郎

黃頭郎撈龍去不歸南浦芙蓉影愁紅獨自垂水弄
湘娥珮竹啼山露月玉瑟調青門石雲漏黃葛沙上
靡無花秋風已先發好持掃羅薦香出鴛鴦熱

馬詩二十三首

龍脊貼連錢銀蹄白踏煙無人織錦韉誰爲鑄金鞭

臘月草根甜天街雪似鹽未知口硬軟先擬蕤蕤銜
忽憶周天子驅車上玉崑鳴騶辭鳳苑赤驥最承恩
此馬非凡馬房星是本星向前敵瘦骨猶自帶銅聲
大漠沙如雪燕山月似鉤何當金絡腦快走踏清秋
飢卧骨查牙蟲毛刺破花驢焦朱色落騷斷錐長麻
西母酒將闌東王飯已乾君王若燕去誰爲拽車轆
赤兔無人用當須呂布騎吾聞果下馬羈策任蠻兒
魏叔死慈慈如今不養龍夜來霜壓棧駝骨折西風
催榜渡烏江東神驄泣向風吾王今解劍何處逐英雄
內馬賜官人銀韉刺驄驕年時鹽坂上蹭蹬遠風塵
批竹初攢耳桃花未上身他時須攬陣牽去借將軍
寶玦誰家子長文俠骨香堆金買駿骨將送楚襄王
香撲褚羅新盤龍蹙蹙迴看南陌上誰道不逢春
不從桓公獵何能伏虎威一朝溝龍出看取拂雲飛
唐欲斬隋公拳毛屬太宗莫嫌金甲重且去捉颯風
白鐵剉青禾碭間落細莎世人憐小頸金埒長長牙
伯樂向前看旋毛在腹間祇今瑤台草何日暮青山
蕭寺默經馬元從竺國來空知有善相不解走章臺
重圍如鷲尾寶劍似魚腸欲求千里駒先采眼中光
曹繁騰黃馬仙人上絳樓須鞭玉勒更何事謫高州

汗血到王家隨驚撼玉珂少君騎海上人見是青驪
武帝愛神仙燒金得紫煙殿中皆肉馬不解上青天

申胡子觴葉歌并序

申胡子朔客李氏本亦世家子得祀江夏王廟當年
踐履失序遂奉官北郡自稱學長調短調久未知名
今年四月吾與對舍於長安崇義里遂將衣質酒命
予合飲氣熱杯闌因謂吾曰李長吉爾徒能長調不
能作五字歌詩直強迴筆端與陶謝詩勢相遠幾里
吾對後請撰申胡子觴葉歌以五字斷句歌成左右
人合課相唱朔客大喜擊鐺起立命花娘出幕徘徊
拜客吾問所宜稱善乎弄於是以雙辭配聲與予爲壽
顏熱感君酒含爵蘆中聲花娘慕綏安休睡芙蓉屏
誰截太平管列點排空星直貫開花風天上驅雲行
今夕歲華落令人惜平生心事如波濤中坐時時驚
朔客騎白馬劍犯懸蘭纓俊健如生偉肯拾蓬中瑩

老夫採玉歌

珠玉珠玉須水碧瑄作步搖徒好色老夫飢寒龍爲
愁藍溪水氣無清白夜雨蘭頭食慕子杜鵑口血老
夫淚藍溪之水獸生人身死千年恨溪水斜山柏風
雨如甯泉脚挂繩青曼曼村寒白屋念嬌嬰古臺石

磴懸腸草

傷心行

咽咽學楚吟病骨傷幽素秋姿白髮生木葉帶風雨
燈青蘭膏歇落照飛蛾舞古壁生凝塵霹靂夢中語

湖中曲

長眉越沙採蘭若桂葉水荇春漠漠橫船醉眠白晝
閑渡口梅風歌扇薄燕釵玉股照青葉越王嬌郎小
字書蜀紙封中報雲騎晚漏臺中水淋瀝

黃家洞

雀步聲沙聲促促四尺角弓青石鋸黑幘三點銅鼓
鳴高作猿啼搖箭箠布縷踈幅半斜溪頭簇隊映
葛花山潭晚霧吟白麗竹蛇飛蠹射金沙閑驅竹馬
緩歸家官軍自殺客州槎

屏風曲

蝶樓石竹銀交關水疑綠鴨瑠璃錢圍迴六曲抱膏
蘭將驕鏡上擲金蟬沉香火煖茱萸煙酒就綰帶新
承權月風吹露屏外寒城上烏啼楚女眠

南山田中行

秋野明秋風白塘水溼溼蟲竄竄實雲根苔蘚山上石
冷紅泣露嬌啼色荒畦九月稻叉芽鰲螯低飛隴還

斜石脉水流泉滴沙鬼燈如漆照松花

貴主征行樂

奚騎黃銅連鏤甲羅旗香轡金畫葉中軍留醉河陽
城嬌嘶紫鸞踏花行春營騎將如紅玉走馬梢鞭上
空綠女垣秦月角咿咿牙帳未開分錦衣

酒罷張大徹索贈時張初効路幕

長驍張郎三十一天遣裁詩花作骨往還誰是龍頭
人公主遣乘魚驢笏太行青草上白衫匣中章奏寄
如羅金門石闕知卿有象角難香早晚含隴西長吉
摧頽客酒闌感覺中區窄葛衣斷碎趙城秋吟詩一
夜東方白

羅敷交與葛篇

依依宜織江雨空雨中六月蘭臺風博羅老仙時出
洞十歲石牀啼鬼工毒蛇濃吁洞堂濕江魚不食銜
沙立欲剪箱中一尺天吳娥莫道吳刀盡

仁和里雜叙皇甫湜時湜新尉陸渾

大人乞馬癯乃寒宗人貸宅荒廢垣橫庭鼠逕空土
溢出籬大叢妻朱殘安定美人薇黃綬脫落纓裙暝
朝酒還家白筆未上頭使我清聲落人後狂辱稱知
犯君眼排引纔墜強絀斷洛風送馬入長關關扇未

開達獫狁犬都知堅都相草草客枕幽單看春老歸來
骨薄面無膏瘦瘡衝頭鬚莖少欲彫小說于天官宗
孫不調爲誰憐明朝下元復西道崆峒欲別長如天

官娃歌

蠟光高懸照紗空花房夜掃紅守宮象口吹香氎
暖七星挂城聞漏板寒入罽毼殿影昏彩鸞簾額著
霜痕啼姑平月鉤欄下屈膝銅鋪鏤阿甄夢入家門
上沙渚天河落處長州路願君光明如太陽放妾騎
魚撇波去

堂堂

堂堂復堂堂紅脫梅灰香十年粉蠹生畫梁飢蟲不
食推碎黃蕙花已老桃葉長禁院懸簾隔御光華清
源中磐石湯餅徧百鳳隨君王

勉愛行二首送小季之廬山

洛郊無俎豆樊廐慙老馬小鴈過鑪峯影落楚水下
長船倚雲泊石鏡秋涼夜豈解有鄉情弄月聊鳴啞
別柳當馬頭官槐如鬼目欲將千里別持我易斗粟
南雲北雲空脉斷靈臺經絡懸春綫青軒樹轉月滿
牀下國飢兒夢中見維爾之昆二十餘年來持鏡頗
有驕辭家三載今如此索米王門一事無荒溝古水

光如刀庭南拱柳生蟻蟪江干幼客真可念郊原晚
吹悲號號

致酒行

零落棲遲一杯酒主人奉觴客長壽主父西遊困不
歸家人折斷門前柳吾聞馬周昔作新豐客天荒地
老無人識空將賤上兩行書直犯龍顏請恩澤我有
迷魂招不得雄雞一聲天下白少年心事當拏雲誰
念幽寒坐鳴呃

長歌續短歌

長歌破衣襟短歌斷白髮秦王不可見旦夕成內熱
渴飲壺中酒飢拔龍頭粟淒淒四月蘭千里一時綠
夜峯何離離明月落石底徘徊浚石尋照出高峯外
不得與之遊歌成續先改

公莫舞歌并序

公莫舞歌者詠項伯翼蔽劉沛公也會中壯士灼灼
於人故無復書且南北樂府率有歌引賀臨諸家今
重作公莫舞歌云

方花古礎排九楹刺豹淋血盛銀鬕華筵鼓吹無桐
竹長刀直立割鳴箏橫楣巖錦生紅緯日炙錦媽王
未醉腰下三看寶玦光項莊掉劍欄前起材官小臣

公莫舞座上真人赤龍子芒碭雲端抱天迴咸陽王
氣清如水鐵樞鐵捷重東關大旗五丈撞雙鑠漢王
今日須秦印絕贖剗腸臣不論

昌谷北園新笋四首

籜落長華削玉開君看母笋是龍材更容一夜抽千
尺別却池園數寸泥
斫取清光寫楚辭脈香春粉黑離離無情有恨何人
見露豎煙啼千萬枝

家泉十眼兩三莖曉看陰根紫脉生今年水曲春沙
上笛管新篁拔玉青

古竹老梢惹碧雲茂陵歸卧欲清貧風吹千畝迎雨
蕭蕭重一枝入酒樽

惱公

宋玉愁空斷嬌嬈粉白紅歌聲春草露門掩杏花叢
注口櫻桃小添眉桂葉濃曉奩粧秀鬢夜帳減香筒
鈿鏡飛孤鵲江園畫水築陂池梳碧鳳嬈裏帶金蟲
杜若含清露河蒲聚紫茸月分蛾黛破花合臉朱融
膝重疑盤露靑輕乍倚風寄書題荳蔻隱語笑芙蓉
莫鐫菜萸匣休開翡翠籠弄珠驚漢驚燒蜜引胡蜂
醉顛拋紅網單羅挂綠蒙教錢奴女買藥問巴賁

勾賧安斜鴈移燈想夢熊腸攢非束竹脰急是張弓
晚樹走新蝶殘蛺蝶斷虹古時填渤海今日鑿崆峒
繡省褰長慢羅裙結短封心搖如舞鶴骨出似飛龍
井檻淋清漆門鋪綴白銅隈花開免逕向壁印狐蹤
玳瑁釘簾薄琉璃疊扇烘象牀綠素柏瑤席卷香蔥
細管吟朝幌芳醪落夜楓宜男生楚巷柰子發金墉
龜甲開屏溢鵝毛添墨濃黃庭留衛瓘綠樹養韓馮
雞唱星懸柳鵲啼露滴桐黃娥初出座寵妹始相從
蠟淚垂蘭燼秋蕪掃綺櫳吹笙翻舊引沽酒待新堂
短珮愁填粟長絃怨削菰曲池眠乳鴨小閣睡娃僮
褥縫茶雙綫鉤緇辦五總蜀煙飛重錦峽雨濺輕容
拂鏡着溫嶠薰香避賁充魚生玉藕下人在石蓮中
含水彎娥翠登樓濕馬騷使君屈曲陌園令住臨邛
桂火流蘇暖金爐細炷通春遲王子態驚轉謝娘慵
玉漏三星曙銅街五馬逢犀珠防騰怯銀液鎮心忪
跳脫看年命琵琶道吉凶王時應七夕夫位在三宮
無力塗雲母多方滯藥翁符因青鳥送囊用絳紗鐘
漢苑尋官柳河橋閱禁鍾月明中婦覺應笑畫堂空

感賦五首

合浦無明珠龍洲無木奴足知造化力不給使君須

越婦未織作吳蠶始蠕蠕縣官騎馬來獬色虬紫羅
懷中一方板板上數行書不因使君怒焉得詣尔廬
越婦拜縣官桑牙今尚小會待春日晏絲車方擲掉
越婦通言語小姑具黃梁縣官踏餐士簿吏復登堂
奇俊無少年日居何躑躑我待紆雙綬遺我星星鬚
都門賈生墓青蠅久斷絕寒食操揚天情景長蕭殺
皇漢十二帝唯帝稱睿哲一夕信堅兒文明永淪歇
南山何其悲鬼雨灑空草長安夜半秋風前幾人老
低迷黃昏逗裴裴青櫛道月千樹無影一山唯白曉
漆炬迎新入出壙螢擾擾
星盡四方高萬物知天曙已生須已養荷簪出門去
君平久不反康伯循國路曉思何說說關關千人語
石根秋水明石畔秋草瘦侵衣野竹香整疊垂雲厚
岑中月歸來蟾光挂雲岫桂露對仙娥星星下雲逗
淒涼柁子落山墨泣清漏下有張仲蔚披書案將朽

歌詩編第二